

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA LUKAVAC
OPĆINSKI NAČELNIK
Broj : 02-02-1- 13698/19
Lukavac, 28.11. 2019. godine

N A C R T

O D L U K E
o izvršenju Budžeta općine Lukavac za 2020.godinu

PREDLAGAČ: Općinski načelnik;

OBRAĐIVAČ: Služba za budžet i finansije;

RAZMATRA: Općinsko vijeće;

Lukavac, novembar 2019.godine

O B R A Z L O Ź E N J E

N A C R T

Odluke o izvršenju budžeta općine Lukavac za 2020.godinu.

I P R A V N I O S N O V

Pravni osnov za donošenje Odluke o izvršenju budžeta općine Lukavac za 2020.godinu je Član 7. Stav 2. Zakona o budžetima u FBiH («Službene novine FBiH», broj.102/13, 9/14, 13/14, 8/15, 91/15, 102/15 i 104/16), člana 99 Statuta općine Lukavac ("Sl.glasnik općine Lukavac", br. 5/08 i 1/14).

II R A Z L O Z I Z A D O N O Š E N J E O D L U K E

Odlukom o izvršenju budžeta općine Lukavac za 2020.godinu uređuju se modaliteti izvršenja budžeta po pojedinim stavkama planiranim u budžetu, definišu se budžetski korisnici, prioriteti plaćanja, obim zaduživanja i garancija, prava i obaveze korisnika budžetskih sredstava kao i druga pitanja u izvršavanju budžeta općine Lukavac za 2020.godinu.

Budžet općine Lukavac za 2020.godinu je planiran u skladu sa izmjenom i dopunom Odluke o utvrđivanju organizacije jedinstvenog općinskog organa uprave općine Lukavac („Službeni glasnik općine Lukavac „, broj 12/18, 3/19 i 10/19).

PREDLAGAČ
OPĆINSKI NAČELNIK
dr. sci. Edin Delić



Broj: 02-02-1-13698/19
Lukavac, 28.11.2019.godine

Na osnovu člana 99 Statuta općine Lukavac ("Sl.glasnik općine Lukavac", br. 5/08 i 1/14), člana 7. stav 2. Zakona o budžetima Federacije BiH, („Službene novine Federacije BiH“, broj: 102/13, 9/14, 13/14, 8/15 91/15, 102/15 i 104/16) općinsko vijeće općine Lukavac, na ___ redovnoj sjednici održanoj dana 29.11.2019. godine, d o n o s i :

ODLUKU

o izvršenju Budžeta općine Lukavac za 2020. godinu

I OPĆE ODREDBE

Član 1.

Ovom Odlukom uređuje se način izvršenja Budžeta općine Lukavac za 2020. godinu (u daljem tekstu: "Budžet"), upravljanje prihodima i primicima, rashodima i izdacima, prioriteta plaćanja, zaduživanje Budžeta, prava i obaveze korisnika budžetskih sredstava, te druga pitanja u izvršavanju Budžeta.

Član 2.

Budžet se sastoji od Općeg i Posebnog dijela.

Opći dio Budžeta čine prihodi i primici, rashodi i izdaci.

Prihode čine porezni i neporezni prihodi. Primitke čine prilivi od prodaje imovine i prilivi od kreditnih sredstava.

Rashode čine: plaće i naknade zaposlenih, izdaci za materijal i usluge, tekući i kapitalni transferi i troškovi kamata. Izdatke čine izdaci za kapitalne investicije, nabavku opreme i izdaci za otplatu kredita.

Posebni dio Budžeta čine plan rashoda i izdataka budžetskih korisnika, raspoređenih u tekuće izdatke i kapitalne investicije.

Član 3.

Budžet općine Lukavac za 2020. godinu je akt kojim se planiraju prihodi i primici, te rashodi i izdaci općine za fiskalnu 2020.godinu.

Član 4.

Budžet se donosi i važi za fiskalnu 2020.godinu (u daljem tekstu: fiskalna godina).
Fiskalna godina počinje 1. januara, a završava 31. decembra 2020.godine.

Član 5.

Budžetski korisnici su:

- Službe za upravu, Stručne Službe i posebna služba Odjeljenje za internu reviziju,
- Općinsko vijeće,
- Općinsko Pravobranilaštvo,

Član 6.

Svi rashodi i izdaci moraju biti utvrđeni u Budžetu i uravnoteženi s prihodima i primicima.

Ako se u toku budžetske godine zbog nastanka novih obaveza za Budžet ili promjena privrednih kretanja povećaju rashodi ili izdaci, odnosno smanje prihodi ili primici Budžeta, Općinski načelnik može na prijedlog Službe za budžet i finansije donijeti Odluku o obustavljanju izvršenja pojedinih rashoda ili izdataka u trajanju 45 dana.

Ako se za vrijeme provođenja mjera privremene obustave izvršenja Budžeta, Budžet ne može uravnotežiti, vrše se Izmjene i dopune Budžeta.

Izmjene i dopune Budžeta vrše se po istom postupku koji se primjenjuje kod donošenja Budžeta. Izmjene i dopune Budžeta dostavljaju se Općinskom vijeću na razmatranje.

Član 7.

Priliv sredstava u Budžetu koji se realizuje tokom godine, a koja imaju namjenski karakter, evidentirat će se u prihodima Budžeta po namjeni i vrsti.

Namjenski prihodi i primici uplaćeni u iznosu manjem od planiranog u Budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

Uplaćene ili prenesene a manje planirane pomoći, donacije i prihodi za posebne namjene, mogu se izvršavati iznad iznosa planiranih u Budžetu a do visine uplaćenih, odnosno prenesenih sredstava prema odlukama Općinskog načelnika a na prijedlog budžetskog korisnika.

Samo naplaćeni prihodi u fiskalnoj godini su prihodi te godine.

II IZVRŠAVANJE BUDŽETA

Član 8.

Sredstva Budžeta osiguravaju se budžetskim korisnicima koji su u posebnom dijelu Budžeta određeni za nosioce sredstava na pojedinim pozicijama.

Budžetski korisnici, sredstva koriste samo za namjene koje su određene Budžetom i to do visine utvrđene u njegovom Posebnom dijelu tabelarnog prikaza budžeta.

Član 9.

Budžet se izvršava u skladu sa ostvarenim prihodima, po principu likvidnosti.

Prioriteti u izvršenju Budžeta su:

- servisiranje kredita i kamata,
- sudska izvršenja,
- tekući izdaci za bruto plaće i naknade plaća zaposlenih, naknade troškova zaposlenicima budžetskih korisnika iz člana 5. ove Odluke,
- naknade vijećnicima za rad u Općinskom Vijeću,
- izdaci za materijal, usluge i radove,
- transfer mjesnim zajednicama,
- transfer javnim ustanovama iz člana 33. ove Odluke
- ostalo.

Član 10.

Korisnici Budžeta su obavezni pridržavati se planiranih iznosa utvrđenih po pojedinim pozicijama u Budžetu.

Realizacija sredstava iz stava 1. ovog člana vršit će se na osnovu operativnih planova odobrenih od strane Općinskog načelnika, a sačinjenih od nadležne Službe - budžetskog korisnika, u formi i u odnosu na instrukciju koju definiše Služba za budžet i finansije.

Instrukciju za izradu prijedloga operativnog plana definiše Služba za budžet i finansije do sredine mjeseca, a za naredni mjesec.

Budžetski korisnik dostavlja operativni plan Službi za budžet i finansije najkasnije do dvadeset petog dana u mjesecu, za naredni mjesec.

Operativni plan se odobrava krajem mjeseca za naredni mjesec.

Istom dinamikom se definišu i kvartalni planovi.

Član 11.

Za tekuće izdatke, Budžet će se izvršavati u skladu sa prilivom sredstava, prenosom sredstava na račune korisnika otvorene u skladu sa zakonom i drugim općim aktima po prioritetima iz člana 9. ove Odluke u visini potrebnih sredstava za izmirenje mjesečnih obaveza.

Po podmirenju prioriteta iz člana 9. ove Odluke, ostatak sredstava raspoređivat će se, u pravilu, srazmjerno prilivu sredstava, na ostale korisnike sredstava.

Iznimno, zbog nedostatka priliva sredstava u Budžet, Općinski načelnik može izmijeniti dinamiku doznake sredstava pojedinim korisnicima, ne narušavajući pri tome prioritete utvrdjene, članom 9 ove Odluke.

Zatečena sredstva iz prethodne godine na računima korišće se kao izvor za tekuću budžetsku godinu, a mogu se realizovati za nove programe, izmirenje tekućih obaveza kao i za obaveze iz ranijeg perioda.

Član 12.

Postupak nabavke roba, radova, stalnih sredstava i vršenja usluga vršit će se u skladu sa Zakonom o javnim nabavkama, izuzev pozicija za koje se ne provodi postupak javne nabavke a iste će se izvršavati odlukom budžetskog korisnika uz saglasnost općinskog načelnika (nabavke koje su izuzete od primjene Zakona o javnim nabavkama)

Pozicije u okviru ekonomskih kodova 613000 planirane u okviru budžetskih korisnika, za koje se ne provodi postupak javne nabavke, raspoređivat će se odlukom budžetskog korisnika uz saglasnost općinskog načelnika, a rješenjem budžetskog korisnika uz saglasnost općinskog načelnika u slučaju isplate naknada za rad u komisijama.

Član 13.

Budžetski korisnici odgovorni su za potpunu i pravovremenu naplatu prihoda i primitaka iz svoje nadležnosti. Budžetski korisnik je dužan provesti sve zakonom propisane radnje radi naplate potraživanja.

Prihodi koje svojom djelatnošću ostvare budžetski korisnici sastavni su dio računa prihoda i uplaćuju se na jedinstveni račun trezora.

Budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima, efikasno i uspješno funkcionisanje sistema finansijskog upravljanja i kontrolu u okviru Budžetom utvrđenih sredstava.

Za svako izvršavanje pozicija budžetski korisnik obezbjeđuje knjigovodstveni dokument (fakture, rješenja, odluke i dr.).

Dokumenta iz prethodnog stava potpisuje odgovorno lice budžetskog korisnika, kao **nosilac** aktivnosti, a odgovorno lice Službe za budžet i finansije potpisom potvrđuje usklađenost sa Operativnim planom i Budžetom u smislu raspoloživih izvora i utvrđenih ekonomskih kodova za pojedine programe.

Član 14.

Neurošena sredstva zatečena na računima na dan 31.12.2019.godine čija je namjena utvrđena Zakonom o zaštiti i spašavanju ljudi i materijalnih dobara od prirodnih i drugih nesreća, kao i naknada za izgradnju i održavanje javnih skloništa, koristiće se kao izvor za tekuću budžetsku godinu.

Član 15.

Općinski načelnik, na prijedlog budžetskog korisnika, može donijeti Odluku o preraspodjeli rashoda i izdataka u okviru ukupnog iznosa odobrenog za budžetskog korisnika, najviše do 10% ukupno odobrenih rashoda i izdataka za budžetskog korisnika.

Općinski načelnik iznimno može odobriti preraspodjelu sredstava, u okviru odobrenog Budžeta između budžetskih korisnika o čemu je dužan obavijestiti Općinsko vijeće kroz redovno izvještavanje.

Član 16.

Korisnici doznačenih transfera dužni su dostaviti nadležnom budžetskom korisniku Izvještaj o namjenskom utrošku sredstava.

Izvještaj o utrošku sredstava korisnici dostavljaju Službi u okviru koje su predmetna sredstva planirana, u skladu sa usvojenom metodologijom „Lokalne demokratije“ (u daljem tekstu LOD), i usvojenim pravilnicima, u formi čiji oblik i sadržaj utvrdi nadležna Služba.

Korisnici koji ne dostave izvještaj o namjenskom utrošku sredstava, neće imati pravo na dalju dodjelu sredstava ukoliko nadležnoj Službi ne dostave cjeloviti izvještaj u skladu sa pravilnicima iz prethodnog stava.

Ukoliko se upućuje zahtjev za novu isplatu prije utroška ranije odobrenih sredstava, isplata se može vršiti uz pismeno izjašnjenje korisnika transfera i odluke Općinskog načelnika.

Član 17.

Sredstva utvrđena u razdjelu 10, potrošačka jedinica 1001, pozicije: "Naknade vijećnicima za rad u Vijeću", "Naknade komisijama i drugim tijelima Općinskog vijeća" isplaćivat će se vijećnicima i članovima Komisija na osnovu propisa koje donosi Općinsko vijeće, **kao i pojedinačnim odlukama budžetskog korisnika uz saglasnost Općinskog načelnika.**

Sredstva utvrđena u razdjelu 10, potrošačka jedinica 1001, pozicije „Izdaci za rad komisija Općinskog vijeća“, raspoređivat će se odlukom budžetskog korisnika uz saglasnost općinskog načelnika.

Sredstva utvrđena u razdjelu 10, potrošačka jedinica 1001, pozicija Transferi parlamentarnim grupama u OV, raspoređivat će se u skladu sa potrebnom Odlukom Općinskog vijeća, a izvršavat će se odlukom budžetskog korisnika uz saglasnost Općinskog načelnika“.

Član 18.

Sredstva utvrđena na pozicijama: "Bruto plaće i naknade", "Naknade troškova zaposlenim" i "Doprinosi poslodavca" izvršavat će se na osnovu zakonskih propisa koji regulišu odgovarajuću oblast.

Član 19.

Sredstva utvrđena u Budžetu na odgovarajućim analitičkim pozicijama izdataka za materijal i usluge, izvršavat će se direktnim plaćanjima sa transakcijskog računa i računa za posebne namjene Općine i na druge načine u skladu sa propisima o finansijskom poslovanju.

Član 20.

Sredstva utvrđena u razdjelu 11, potrošačka jedinica 1102, "Izdaci za volontere za osiguranje za slučaj ozljede na radu i profesionalne bolesti" i pozicija "Izdaci za volonterski rad" izvršavat će se po osnovu Ugovora o volonterskom radu, internih akata kojima se uređuje volontiranje, kao i pojedinačnim odlukama budžetskog korisnika uz saglasnost Općinskog načelnika.

Član 21.

Sredstva utvrđena u razdjelu 11, potrošačka jedinica 1102, „Transfer institucijama za prijem volontera“ izvršavat će se na osnovu internih akata kojima se uređuje volontiranje i prenosom sredstava zainteresovanim institucijama i drugim pravnim licima sa kojima je potpisan Ugovor o prijemu volontera za odrađivanje volonterskog rada, kao i pojedinačnim odlukama budžetskog korisnika uz saglasnost Općinskog načelnika.

Član 22.

Sredstva utvrđena u razdjelu 11, potrošačka jedinica 1102, pozicija „Humanitarne, vladine i nevladine organizacije i Javna preduzeća - memorandumima, ugovori i sporazumi“, „Savez općina i gradova Federacije BiH“ i potrošačke jedinice 1104 - pozicija „Transferi neprofitnim organizacijama (sufinansiranje manjih evropskih i drugih međunarodnih projekata)“, „Tekući transfer za oblast nauke i izdavačku djelatnost“, izvršavat će se pojedinačnim Odlukama uz saglasnost Općinskog načelnika, prenosom sredstava na račun korisnika.

Sredstva utvrđena u razdjelu 11, potrošačka jedinica 1103, 1104, 1105, 1106, 1107, 1108 i 1109 pozicija "Naknada za povrat više uplaćenih, pogrešno uplaćenih sredstava" izvršavat će se na osnovu rješenja, zaključaka koje donose nadležne Službe i pojedinačnih odluka uz saglasnost Općinskog načelnika.

Član 23.

Sredstva utvrđena u razdjelu 13, potrošačka jedinica 131, pozicija „Izdaci za sudska izvršenja“ kao i „Zatezne kamate i troškovi spora“ (rezerviranja po Zakonu o izvršnom postupku), izvršavat će se na osnovu sudskih izvršnih rješenja, a Služba za budžet i finansije će obavještavati banku o planiranom iznosu sredstava za navedene namjene u skladu sa planiranom dinamikom raspoloživih sredstava na mjesečnom nivou.

Sredstva utvrđena u razdjelu 13, potrošačka jedinica 131, pozicija „Izdaci za sudske i vansudske nagodbe“ izvršavat će se na osnovu potpisanih sporazuma od strane Općinskog pravobranilaštva, kao i pojedinačnim odlukama budžetskog korisnika uz saglasnost Općinskog načelnika.

Član 24.

Sredstva utvrđena u razdjelu 11, potrošačka jedinica 1105, pozicija "Transferi za MZ", izvršavat će se u jednakim mjesečnim iznosima prenosom na žiro račune mjesnih zajednica, a visinu mjesečnog iznosa utvrdit će budžetski korisnik posebnom odlukom uz saglasnost Općinskog načelnika.

Sredstva utvrđena u razdjelu 11, potrošačka jedinica 1105, pozicija "Transfer za mjesne zajednice po broju stanovnika", izvršavat će se posebnom odlukom budžetskog korisnika uz saglasnost Općinskog načelnika.

Mjesne zajednice su odgovorne za trošenje sredstava u skladu sa zakonom.

Član 25.

Sredstva utvrđena u razdjelu 11, potrošačka jedinica 1104, pozicija " Sredstva za fizičku kulturu", raspoređivat će se na:

- Sportski savez općine Lukavac – Sportskom savezu ili klubovima članicama Saveza,
- **Savez za sport i rekreaciju osoba sa invaliditetom,**
- Transfere za klubove od **posebnog značaja,**
- Javni poziv u oblasti sporta,
- Vanredni projekti u oblasti sporta.

Sredstva će se doznačavati krajnjim korisnicima putem javnog poziva za nevladin sektor, na prijedlog nadležne Službe, a na osnovu usvojenog Pravilnika o kriterijima načinu raspodjele sredstava za programe i projekte iz oblasti sporta koji se finansiraju ili sufinansiraju sredstvima Budžeta općine Lukavac po principima usvojene LOD metodologije, na osnovu odluke budžetskog korisnika uz saglasnost Općinskog načelnika, u skladu sa prilivom sredstava u Budžetu.

Član 26.

Sredstva utvrđena u razdjelu 11, potrošačka jedinica 1104, pozicija „Sredstva za kulturu“ rasporedit će se na:

- podrška KUD-ovima, nevladinim organizacijama i ustanovama u oblasti kulture,
- vanredni projekti za nevladin sektor i mjesne zajednice,
- javni poziv za realizaciju projekata Organizacije civilnog društva (u daljem tekstu OCD),
- **memorijali (JU Biblioteka, JU Centar za kulturu i JU RTL),**
- **ostali sadržaji u oblasti kulture.**

Sredstva će se doznačavati krajnjim korisnicima na prijedlog nadležne Službe a na osnovu usvojenog Pravilnika o kriterijima načinu raspodjele sredstava za programe i projekte iz oblasti

kulture koji se finansiraju ili sufinansiraju sredstvima Budžeta općine Lukavac po principima usvojene LOD metodologije, a na osnovu odluke budžetskog korisnika uz saglasnost Općinskog načelnika u skladu sa prilikom sredstava u Budžetu.

Član 27.

Sredstva utvrđena u razdjelu 11, potrošačka jedinica 1104, pozicija "Stipendije studentima, učenicima i stipendiranje uspješnih sportista" rasporedit će na korisnike Općinski načelnik, nakon provedenog konkursa u skladu sa posebnim kriterijima, kao i pojedinačnim odlukama budžetskog korisnika uz saglasnost Općinskog načelnika.

Broj stipendija utvrđuje Općinsko vijeće u skladu sa visinom planiranih sredstava, na prijedlog Općinskog načelnika.

Sredstva utvrđena u razdjelu 11, potrošačka jedinica 1104, pozicija "Nagrade uspješnim učenicima i nastavnom osoblju" rasporedit će odlukom budžetskog korisnika uz saglasnost Općinskog načelnika.

Sredstva utvrđena u razdjelu 11, potrošačka jedinica 1104, pozicija " Stipendije i nabavka udžbenika i školskog pribora za učenike iz romske populacije" i pozicija „Podrška povratku prognanih osoba, stipendiranje učenika i studenata“ rasporedit će se odlukom budžetskog korisnika uz saglasnost Općinskog načelnika, a na osnovu raspisanog javnog poziva u skladu sa posebnim kriterijima utvrđenim odlukom općinskog načelnika, a na prijedlog nadležne Službe.

Član 28.

Sredstva utvrđena u razdjelu 11, potrošačka jedinica 1104 pozicija "Podrška pri odbrani doktorske disertacije" rasporedit će se odlukom budžetskog korisnika uz saglasnost Općinskog načelnika, uz prethodni Javni poziv u skladu sa posebnim kriterijima, utvrđenim odlukom općinskog načelnika, a na prijedlog nadležne Službe.

Član 29.

Sredstva utvrđena u razdjelu 11, potrošačka jedinica 1104, pozicija "Transfer za socijalne pomoći" rasporedit će se odlukom budžetskog korisnika uz saglasnost Općinskog načelnika, u dijelu namijenjenom Javnoj ustanovi Centar za socijalni rad.

Sredstva na poziciji iz stava 1. ove Odluke, od toga: "sredstva za socijalne pomoći", od toga: " za prevenciju u borbi protiv teških i rijetkih bolesti" i od toga: "implementacija projekta prevencije maloljetničkog prestupništva (socijalno neprihvatljivog ponašanja kod djece i mladih), realizovat će se odlukom budžetskog korisnika uz saglasnost Općinskog načelnika, Javnoj ustanovi Centar za socijalni rad.

Sredstva na poziciji iz stava 1. ove Odluke, od toga: "liječenje i osiguranje neosiguranih lica općine Lukavac i ostale nepredviđene intervencije u vezi sa liječenjem", realizovat će se odlukom budžetskog korisnika uz saglasnost Općinskog načelnika.

Sredstva na poziciji iz stava 1. ove Odluke, od toga: "sredstva za pomoć pojedincima u stanju potrebe, realizovat će se odlukom budžetskog korisnika uz saglasnost Općinskog načelnika.

Sredstva će se doznačavati u skladu sa prilikom sredstava u budžetu, uz podnešen izvještaj o prethodno utrošenim sredstvima.

JU Centar za socijalni rad odgovorna je za namjensko trošenje odobrenih sredstava.

Član 30.

Sredstva utvrđena u razdjelu 11, potrošačka jedinica 1104, pozicija „Transfer za pomoć sindikalnim organizacijama“ izvršavat će se odlukom budžetskog korisnika uz saglasnost Općinskog načelnika.

Za zakonito trošenje sredstava odgovorne su sindikalne organizacije.

Član 31 .

Sredstva utvrđena u razdjelu 11, potrošačka jedinica 1104. pozicija „ Sredstva nevladinim organizacijama od značaja“ koja se raspoređuju na: "HO Merhamet MDD“, „Dječije selo mira Turija“, „Centar za rehabilitaciju ovisnika o psihoaktivnim supstancama - Izvor Smoluća“, „Crveni križ - krst Lukavac“, UG „Mali svijet“, „UG Vive žene“, „Udruženje altruista – Ruke prijateljstva“, „UG dobrovoljna vatrogasna društva i društva za spašavanje“ uz zahtjev korisnika putem predloženog projekta nadležnoj Službi, a izvršavat će se odlukom budžetskog korisnika uz saglasnost Općinskog načelnika.

Sredstva na poziciji „Subvencioniranje mjesečnih karata učenicima iz socijalno ugroženih kategorija“, raspoređivat će se odlukom budžetskog korisnika uz saglasnost Općinskog načelnika u skladu sa posebnim kriterijima utvrđenim odlukom općinskog načelnika, a na prijedlog nadležne Službe.

Sredstva na poziciji „Očuvanje ribljeg fonda, zaštita akumulacije jezera Modrac i prirodnog priraštaja ribe“, raspoređivat će se na zahtjev korisnika, odlukom budžetskog korisnika uz saglasnost Općinskog načelnika.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 32.

Sredstva utvrđena u razdjelu 11. potrošačka jedinica 1104, pozicija “Podsticaj mladima- komisija za pitanja mladih, kulturu i sport Općinskog vijeća, raspoređivat će se odlukom budžetskog korisnika uz saglasnost Općinskog načelnika, a na prijedlog Komisije za pitanja mladih, obrazovanje, kulturu i sport Općinskog vijeća, a na osnovu kriterija koje donosi Općinsko vijeće.

“Podsticaj mladima, od toga: putem vijeća mladih i omladinskih organizacija”, raspoređivat će se na prijedlog Komisije koju imenuje općinski načelnik, pojedinačnom odlukom budžetskog korisnika uz saglasnost Općinskog načelnika u skladu sa posebnim kriterijima utvrđenim odlukom općinskog načelnika, a na prijedlog nadležne Službe.

“Podsticaj mladima, od toga: za rad vijeća mladih općine Lukavac”, raspoređivat će se na zahtjev korisnika pojedinačnom odlukom budžetskog korisnika uz saglasnost Općinskog načelnika.

Sredstva utvrđena u razdjelu 11. potrošačka jedinica 1104, pozicija „Sredstva nevladinim organizacijama u kategoriji sporazuma o partnerskim odnosima“ raspoređivat će se odlukom budžetskog korisnika uz saglasnost Općinskog načelnika, a u skladu sa potpisanim Sporazumom o partnerstvu koji obavezuje Općinu Lukavac na participativno učešće u implamentaciji projekata na području općine.

Član 33.

Sredstva utvrđena u razdjelu 11, potrošačka jedinica 1104, pozicije: „JU Centar za socijalni rad“, „JU Centar za kulturu“, „JU RTL“, JU „Dječje obdanište Lukavac“, „JU Javna biblioteka Lukavac“, izvršavat će se odlukom budžetskog korisnika uz saglasnost Općinskog načelnika uz podnošenje mjesečnog trebovanja nadležnoj Službi.

Sredstva na pozicijama iz stava 1. ove Odluke „od toga:“ raspoređivat će se odlukom budžetskog korisnika uz saglasnost Općinskog načelnika, na osnovu podnesenog zahtjeva javnih ustanova.

Sredstva utvrđena u razdjelu 11, potrošačka jedinica 1104, pozicije:“ Kapitalni transfer za JU-e općine Lukavac, Turističku zajednicu općine Lukavac“, raspoređivat će se odlukom budžetskog korisnika uz saglasnost Općinskog načelnika. Javne ustanove i Turistička zajednica općine Lukavac obavezne su provesti postupak javnih nabavki.

Korisnici iz stava 1. ovog člana obavezni su nadležnoj Službi podnijeti izvještaj o utrošenim sredstvima.

Član 34.

Sredstva utvrđena u razdjelu 11. potrošačka jedinica 1104, pozicija «Međunarodni sajam turizma i ekologije», rasporedit će se se odlukom budžetskog korisnika uz saglasnost Općinskog načelnika organizatoru sajma.

Sredstva utvrđena u razdjelu 11. potrošačka jedinica 1104, pozicija “Promocija općine na sajmovima” rasporedit će se odlukom budžetskog korisnika uz saglasnost Općinskog načelnika.

Član 35.

Sredstva utvrđena u razdjelu 11, potrošačka jedinica 1106, pozicija "Poticaj poljoprivrednoj proizvodnji" rasporedit će se odlukom budžetskog korisnika uz saglasnost Općinskog načelnika, a nakon provedene procedure, u skladu sa pozitivnim zakonskim propisima koji regulišu ovu oblast, sa težištem na „Poticaj poljoprivrednoj proizvodnji“ koji nisu obuhvaćeni federalnim i kantonalnim pravilnikom o poticaju, a nadležna Služba će napraviti plan raspodjele sredstava u skladu sa zakonom i posebnim kriterijima.

Sredstva utvrđena u razdjelu 11, potrošačka jedinica 1106, pozicije: Poticaj zapošljavanju fizičkim licima koji prvi puta registruju djelatnost u tekućoj godini kroz subvencioniranje troškova doprinosa penzionog osiguranja“ i "Poticaj zapošljavanju mladih, kroz organizovanje biznis star-tup centra, Lokalna Akciona Grupa-LAG“, rasporedit će se odlukom budžetskog korisnika uz saglasnost Općinskog načelnika, uz prethodni javni poziv, u skladu sa posebnim kriterijima.

Član 36.

Sredstva utvrđena u razdjelu 11, potrošačka jedinica 1104, pozicija "Sredstva za obezbjeđenje učesnika NOR-a" isplaćivat će se u skladu sa odlukom budžetskog korisnika uz saglasnost Općinskog načelnika.

Član 37.

Sredstva utvrđena u razdjelu 11, potrošačka jedinica 1104, pozicija «Transferi pojedincima za troškove dženaza boraca i članova njihovih porodica, transferi pojedincima BIZ, transfer dobitnicima najvećih ratnih odlikovanja, sredstva od TK za nabavku udžbenika, sredstva od TK za liječenje boraca i članova njihovih porodica, izvršavat će se odlukom budžetskog korisnika uz saglasnost Općinskog načelnika, prenosom na tekuće račune korisnika, na osnovu rješenja nadležnog Ministarstva za boračka pitanja TK i u skladu sa Zakonom o dopunskim pravima boraca i članova njihovih porodica i rješenjem Službe za upravu, društvene djelatnosti, mlade i boračko invalidsku zaštitu.

Član 38.

Sredstva utvrđena u razdjelu 11, potrošačka jedinica 1104, pozicija "Transferi za boračke organizacije ", izvršavat će se odlukom budžetskog korisnika uz saglasnost Općinskog načelnika, prenosom na račune boračkih organizacija, na zahtjev uz dostavljenu specifikaciju troškova i izvještaj o ranije utrošenim sredstvima.

Sredstva za obilježavanje dana invalida, za nabavku paketa i obilježavanje Dana armije, izvršavat će se odlukom budžetskog korisnika uz saglasnost Općinskog načelnika na račune boračkih organizacija.

Boračke organizacije se obavezuju da nadležnoj Službi, uz zahtjev za isplatu tranše, podnesu izvještaj o utrošku sredstava u skladu sa namjenom. Isplate će se vršiti po odobrenju izvještaja o ranije utrošenim sredstvima.

Član 39.

Sredstva utvrđena u razdjelu 11, potrošačka jedinica 1104, pozicija „Transferi za rješavanje stambene problematike boračke populacije” i pozicija „Transferi za liječenje boračke populacije”, raspoređivat će se korisnicima sredstava odlukom budžetskog korisnika uz saglasnost Općinskog načelnika.

Član 40.

Sredstva utvrđena u razdjelu 11, potrošačka jedinica 1112, pozicija «Subvencija JP Veterinarska stanica Lukavac» raspoređivat će se odlukom budžetskog korisnika uz saglasnost Općinskog načelnika, a na osnovu zahtjeva podnesenog nadležnoj Službi sa specifikacijom utroška i izvještajima o ranije dodjeljenim sredstvima.

Sredstva utvrđena u razdjelu 11, potrošačka jedinica 1112, pozicija «Subvencija za prevoz putnika» raspoređivat će se odlukom budžetskog korisnika uz saglasnost Općinskog načelnika.

Sredstva utvrđena u razdjelu 11, potrošačka jedinica 1104, pozicija „Sufinansiranje izgradnje ili rekonstrukcije i sanacije stambenih objekata lica u stanju socijalne potrebe” raspoređivat će se odlukom budžetskog korisnika uz saglasnost Općinskog načelnika, na osnovu zahtjeva podnesenog nadležnoj Službi.

Korisnici sredstava iz stava 1,2 i3 ovoga člana su obavezni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 41.

Sredstva utvrđena u razdjelu 11: potrošačka jedinica 1112 na poziciji: "Zajednička komunalna potrošnja", "Tekuće održavanje", "Zajednička komunalna potrošnja – električna energija za uličnu rasvjetu", „Subvencija i Kapitalni transfer JP "Rad" Lukavac“, „Nabavka ostalih stalnih sredstava - opremanje stočnog groblja“, „Ostali objekti - Izrada boksova za privremeni smještaj pasa“, „Izrada projekta horizontalne i vertikalne signalizacije u gradu Lukavcu“ i „Realizacija projekta sanacije zatvaranja lokalne deponije Potočari“, potrošačka jedinica 1105 na poziciji: „Obnova stambenog fonda i podrška povratku“, „Podrška socioekonomskom uključivanju romske populacije u BiH“, „Ostali infrastrukturni objekti po mjesnim zajednicama“, „Kapitalni transfer Dom zdravlja Lukavac“, „Subvencija za poboljšanje energijske efikasnosti i poboljšanje ekoloških uslova“, „Kapitalni transfer JP Željeznice Federacije za projekat pružni prelaz“, „Projektovanje i I faza izgradnje obdaništa“, "Izgradnja drugih infrastrukturnih objekata: od tačke 1.0. do 1.12.“, "Industrijska zona“, „Projektovanje kuća i objekata infrasrukture, izrada glavnog projekta toplifikacije i ostalo, izrada idejnih rješenja, izrada prostor.planske dokumentacije, revizija i nadzor“, „Proširenje i rekonstrukcija toplovodne mreže u Lukavac gradu“, „Izmirenje obaveza iz ranijeg perioda po osnovu kapitalnih izdataka“, „Rekonstrukcija cesta“, „Rekonstrukcija općinskih objekata“, „Izgradnja zgrade socijalnog stanovanja“, finansirat će se u skladu sa planskom dokumentacijom Općine i odlukom budžetskog korisnika uz saglasnost Općinskog načelnika.

„Subvencije JP Rad pod tačkom 5 i 6“

Sredstva iz stava i ovog člana usmjeravat će se u skladu sa ostvarenim prilivom sredstava u Budžetu po osnovu:

- Opštinska komunalna naknada,
- Komunalna naknada,
- Naknada za uređenje građevinskog zemljišta i od prirodnih pogodnosti-renta,
- Naknada za upotrebu cesta za vozila pravnih lica i građana,
- Naknade za koncesije, naknada za eksploataciju mineralnih sirovina,
- Primitaka od prodaje zemljišta,
- Kapitalnih potpora od viših nivoa vlasti i IPA fondova, inostranih vlada,
- Komunalne takse od priključaka na vodovodnu, kanalizacionu i toplovodnu mrežu,
- Kredit putem Evropske investicijske banke,
- Kredit od domaćih finansijskih institucija.

Član 42.

Sredstva utvrđena u razdjelu 11, potrošačka jedinica 1112, pozicije: „Subvencija JP Rad za učešće u investiciji izgrađenog toplovoda od strane Elektroprivrede BiH” i „Kapitalni transfer JP Rad Lukavac“ doznačavat će se JP Rad Lukavac za kapitalna ulaganja, a na zahtjev JP Rad, a uz pregled namjene utroška sredstava, odlukom budžetskog korisnika uz saglasnost Općinskog načelnika.

Obaveza JP „Rad“ Lukavac je da podnese izvještaj o realizaciji utrošenih sredstava iz stava 1. ovog člana.

Član 43.

Sredstva utvrđena u razdjelu 11, potrošačka jedinica 1105, pozicija “Podrška održivom povratku” i “Podrška socioekonomskom uključivanju romske populacije u BiH putem obezbjeđenja stambenih jedinica i socijalnih mjera”, izvršavat će se odlukom budžetskog korisnika uz saglasnost Općinskog načelnika, putem javnog poziva u skladu sa posebnim kriterijima utvrđenim odlukom općinskog načelnika, odabirom koji je izvršila nadležna komisija na račune korisnika sredstava,.

Član 44.

Finansiranje kapitalnih investicija po mjesnim zajednicama realizovat će se na prijedlog budžetskog korisnika, u skladu sa „Programom kapitalnih investicija općine Lukavac“, a postupak će se sprovoditi na način definisan članom 12. ove Odluke.

Član 45.

Sredstva utvrđena u razdjelu 11, potrošačka jedinica 1105, pozicija “Podrška vjerskim zajednicama za rekonstrukciju i izgradnju vjerskih objekata” izvršavat će se odlukom budžetskog korisnika uz saglasnost Općinskog načelnika.

Odgovornost za namjensko trošenje sredstava iz stava 1. ovog člana snose ovlašteni predstavnici vjerskih zajednica. Korisnici sredstava su obavezni nadležnoj Službi dostaviti izvještaj o utrošku sredstava.

Član 46.

Sredstva utvrđena u razdjelu 11, potrošačka jedinica 1107, pozicija „ Intervencije iz oblasti ekologije“, izvršavat će se odlukom budžetskog korisnika uz saglasnost Općinskog načelnika korisnicima sredstava.

Član 47.

Sredstva utvrđena u razdjelu 11, potrošačka jedinica 1105, pozicija “Kapitalni transferi JU Dom zdravlja Lukavac“, izvršavat će se odlukom budžetskog korisnika uz saglasnost Općinskog načelnika na zahtjev korisnika, uz prethodno dostavljenu specifikaciju utroška i izvještaje o ranije doznačenim sredstvima.

Sredstva utvrđena u razdjelu 11, potrošačka jedinica 1105, pozicija „Kapitalni transfer za projekat energijske efikasnosti na stambenim zgradama“, izvršavat će se u skladu sa članom 12 ove Odluke.

Sredstva utvrđena u razdjelu 11, potrošačka jedinica 1105, pozicija „Kapitalni transfer JP Željeznice Federacije –projekat pružni prijelaz“, izvršavat će se odlukom budžetskog korisnika uz saglasnost Općinskog načelnika, uz obavezu dostavljanja izvještaja o namjenskom trošenju odobrenih sredstava.

Član 48.

Sredstva utvrđena u razdjelu 11. potrošačka jedinica 1108, pozicija „Rješavanje imovinskih odnosa (za regulaciju Jale i ostalih imovinskih odnosa zemljišta i objekata)“, izvršavat će se rješavanjem imovinsko pravnih odnosa, u postupka eksproprijacije, a nakon provedene zakonom propisane procedure, odlukom budžetskog korisnika uz saglasnost Općinskog načelnika, prenosom na račune korisnika sredstava.

Član 49.

Sredstva utvrđena u razdjelu 11. potrošačka jedinica 1105, izvršavat će se prema utvrđenom planu realizacije kapitalnih izdataka nadležne Službe, a u skladu sa planiranim i raspoloživim sredstvima u Budžetu općine Lukavac.

Radovi na izgradnji putne mreže i ulične rasvjete započeti u prethodnim godinama koji nisu realizovani u planiranom ugovorenom obimu, zbog isteka građevinske sezone, kao i ostali ugovori potpisani a nisu realizovani u 2019.godini, nastavit će se početkom građevinske sezone u 2020.godini, a isti će teretiti pozicije iz stava 1. ovog člana.

Sredstva utvrđena u razdjelu 11. potrošačka jedinica 1105, pozicija „Izmirenje obaveza po osnovu kapitalnih ulaganja iz ranijeg perioda“, izvršavat će se odlukom budžetskog korisnika uz saglasnost Općinskog načelnika.

Sredstva utvrđena u razdjelu 11. potrošačka jedinica 1102, pozicija „Izdaci za pokriće obaveza iz ranijih godina po osnovu tekućih izdataka (deficit iz prethodnih godina)“, izvršavat će se odlukom budžetskog korisnika uz saglasnost Općinskog načelnika.

Član 50.

U razdjelu 11, potrošačka jedinica 1109, pozicije koje se finansiraju u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća“, finansira se iz namjenskih sredstava prikupljenih u fiskalnoj godini po osnovu posebne naknade za zaštitu od prirodnih i drugih nesreća, a izvršavat će se u skladu sa Zakonom o javnim nabavkama u redovnim uslovima, a u slučaju neposredne opasnosti od prirodne i druge nesreće, proglašenja stanja prirodne i druge nesreće po naredbama Općinskog štaba civilne zaštite i odlukom budžetskog korisnika uz saglasnost Općinskog načelnika korisnicima sredstava.

Član 51.

Sredstva utvrđena u razdjelu 11, potrošačka jedinica 1109, pozicija “Rekonstrukcija skloništa“ izvršavat će se u skladu sa članom 12 ove Odluke.

Član 52.

Akumulirana, a neutrošena sredstva iz prethodnih godina, sredstva prikupljena u tekućoj godini, kao i sredstva doznačena od viših nivoa vlasti, raspoređivat će se po godišnjem planu korištenja sredstava posebne naknade za zaštitu i spašavanje od prirodnih i drugih nesreća, u skladu sa odlukama viših nivoa vlasti, u kojima je definisana namjena doznačenih sredstava.

Član 53.

U slučaju nedovoljnog priliva izvornih prihoda i primitaka za finansiranje tekućih izdataka, odlukom Općinskog načelnika privremeno se mogu koristiti i prilivi od namjenskih sredstava iz člana 41, 51. i 52. ove Odluke, s tim da se njihov povrat izvrši najkasnije do kraja fiskalne godine.

Član 54.

Sredstva utvrđena u razdjelu 13, potrošačka jedinica 131, pozicija "Izdaci za usluge vještačenja" isplaćivat će se odlukom budžetskog korisnika uz saglasnost Općinskog načelnika.

Sredstva utvrđena u razdjelu 11, potrošačka jedinica 1108, pozicija "Troškovi vještačenja" isplaćivat će se odlukom budžetskog korisnika uz saglasnost Općinskog načelnika.

Član 55.

Sredstva tekuće rezerve planirana u Budžetu, koriste se za nepredviđene namjene za koje objektivno nisu predviđena ili su sredstva nedovoljno planirana.

Sredstva tekuće rezerve ne mogu prelaziti iznos od 3% ukupnih prihoda, isključujući namjenske prihode, vlastite prihode i primitke.

Sredstva tekuće rezerve ne mogu se koristiti za pozajmice.

Korištenje ovih sredstava odobrava Općinski načelnik.

Općinski načelnik, izvještaj o utrošku tekuće rezerve, dostavlja Općinskom vijeću kao prilog izvještaju o izvršenju budžeta Općine Lukavac u skladu sa planom i programom rada Općinskog vijeća.

Član 56.

Za izvršenje Budžeta odgovoran je Općinski načelnik, a pomoćnici Općinskog načelnika kao rukovodioci budžetskog korisnika odgovorni su u skladu sa zakonskim ovlaštenjima i odgovornostima i potpisanom izjavom o fiskalnoj odgovornosti.

III ZADUŽIVANJE

Član 57.

Ovlašćuje se Općinski načelnik, da pod uvjetima i obimu propisanim Zakonom kojim se uređuje dug, zaduživanje i garancije u Federaciji može davati jemstva javnim preduzećima i drugim pravnim licima kojima je osnivač Općinsko vijeće Lukavac u skladu sa odlukama Općinskog vijeća, uz zakonska sredstva obezbjeđenja za namirenje jemstva.

Ugovore o zaduživanju Budžeta i izdavanju jemstva potpisuje Općinski načelnik.

IV IZVJEŠTAVANJE I REVIZIJA

Član 58.

Služba za budžet i finansije je dužna dostavljati Općinskom načelniku, a Općinski načelnik dostavlja Općinskom vijeću Izvještaj o ostvarivanju prihoda i primitaka i izvršenju rashoda i

izdataka predviđenih Budžetom, u skladu sa Zakonom o Budžetima FBiH i programom rada Općinskog vijeća.

Izveštaj iz prethodnog stava mora sadržavati:

- prikaz fiskalnog stanja,
- uporedni prikaz planiranih i ostvarenih prihoda, izdataka, manjkova i zaduživanja i objašnjenje eventualnih razlika,
- podatke o korištenju budžetske rezerve i datim jemstvima,
- prijedlog mjera za poboljšanje stanja.

Član 59.

Služba za budžet i finansije, dužna je izvjestiti Općinskog načelnika o izvršenju Budžeta za prethodnu godinu najkasnije do 31. marta naredne godine.

Općinski načelnik podnosi Općinskom vijeću izvještaj o izvršenju Budžeta Općine za prethodnu godinu najkasnije do 30. aprila naredne godine.

Sadržaj izvještaja iz ovog člana mora biti u skladu sa klasifikacijama računa Budžeta, kako slijedi:

- prihode i rashode za fiskalnu godinu,
- ostvarene prihode i rashode tokom godine, koji su prikazani tako, da se može jasno vidjeti razlika između odobrenog Budžeta i njegovog ostvarenja,
- početno i završno stanje Budžeta,
- početno i završno stanje imovine, potraživanja, obaveza i izvora vlasništva,
- objašnjenje većih odstupanja,
- podatke o svim poslovima zaduživanja i upravljanju dugom,
- podatke o korištenju budžetske rezerve, te o jemstvima datim tokom fiskalne godine.

Općinski načelnik može u skladu sa članom 15. Zakona o principima lokalne samouprave, da donese propise, kojima će bliže regulisati način korišćenja budžetskih sredstava i izvršenja pojedinih pozicija Budžeta za 2020. godinu.

Kako bi se osiguralo izvršavanje aktivnosti u okviru osnovne djelatnosti, Općina će urediti sistem finansijske unutarnje kontrole i interne revizije, u skladu sa zakonom.

Član 60.

Ova Odluka stupa na snagu danom objavljivanja u Službenom glasniku općine Lukavac, a primjenjivat će se za budžetsku 2020.godinu.

PREDSJEDAVAJUĆI
OPĆINSKOG VIJEĆA
Mehmed Suljić, dipl.ing.mašinstva

DOSTAVITI:

1. Službi za budžet i finansije
2. Stručna Služba Općinskog vijeća (Službeni glasnik Općine Lukavac)
3. Evidencija
4. a/a.

Član 40.

i “Sufinansiranje izgradnje regionalnog centra za osobe oboljele od autizma”
NEMA IZNOSA U BUDŽETU – stav 3. Crveno označeno

OBRAZLOŽENJE

dokumenta plana budžeta općine Lukavac za 2020. god.
sa okvirnim planom budžeta za 2021. i 2022.g

Pravni osnov za donošenje budžeta utvrđen je u članu 7. Zakona o budžetima-proračunima u FBiH ("Sl.novine F BiH" br.102/13, 9/14, 13/14, 8/15, 91/15, 102/15 i 104/16).

Osnov za izradu prijedloga budžeta općine Lukavac za 2020.godinu je:

- Revidirana projekcija prihoda od indirektnih i direktnih poreza kantona sa općinama kantona za 2019.g. i projekcije za period 2020-2022 (insukcija Ministarstva finansija TK, broj 07/1-14-22571/19 od 04.11.2019.godine)
- Dokument okvirnog budžeta općine Lukavac za period 2020 – 2022.godina.
- Izvršenje budžeta općine Lukavac za 2018.godinu,
- Plan budžeta općine Lukavac za 2019.godinu i
- Dostavljeni zahtjevi budžetskih korisnika.

Nacrt budžeta predstavlja polazni osnov za sprovođenje javne rasprave.

Dokument okvirnog budžeta općine Lukavac za period 2020 – 2022.godina, se može preuzeti na zvaničnoj stranici „općina.lukavac.ba“

Prilog budžetu su:

1. „Organizacijska klasifikacija“ i
2. Funkcionalna klasifikacija.

PREDLAGAČ
OPĆINSKI NAČELNIK

Dr.Sci. Edin Delić

Broj: 02-14- 13697/19
Lukavac, 27.11.2019.godine